

道古堂詩集

道古堂詩集卷十七

仁和 杭世駿 大宗

嶺南集二

訓何監州 夢瑤 小除日見懷

巖壑有異態松柏無凡姿其下多茯苓仙鶴時飛飛扶
輿鍾清淑一氣無偏私在物爲後彫於人爲不羈何侯
南邦獻靈秀天所資樹骨典誥區下筆無憂吟萬卷訾
盧殷專以供爲詩射策金殿裏牽絲灘江湄甘載五改
官剖竹守舊畿湛湛新雨露爲民洗瘡痍土瘠征徭煩
羸馬長酸嘶可憐飢鳳皇那得瓊禾噉投牒許乞身裝

無片石隨一婢赤雙脚一奴面目驚鳩鳩哺七子辛苦
巢桑枝山田四十雙不能救朝飢暇著活人書用以謀
鹽醢處方起廢疾往往應手治堆積宋清券可惜皆窮
黎大府走書幣請爲多士師稍捐藥市技仍樹文堂磨
課藝手腕脫說經裁冠危奧義洩元化高言豁羣疑坐
待諸生問那顧流俗嗤請觀國門懸皆其所鑄辭我居
東海濱與君勢久違快乘九江船五兩南風吹摳衣趨
末席執手承清輝寸心各有托昭質兩不虧分申義自
叶道契情亦怡隔巷白板敲扶日通履藜喜申誓且且
不議來施施風雅陳正變世運推盛衰棋槩破趨悶談

燕清飢疲歷製足獻酬妙義供思維謔恃齒伶俐笑掀
髯于鬚窺案蘸墨海遷坐據井廐呼茗聒童僕懷果招
嫫媿樾喧屢促騎鐙爆忘燒衣蕭然一丈室濶袖龐兩
眉雖近五都市何異九里溪在西樵山衝寒權孤艇舍我還
茅茨西樵好山水絕壑凌丹梯圓峰挺蒼紫驚瀑飛珠
璣花村一十三村村事鉉基原田跳穀犬深塢啼竹雞
風俗安樸野草木欣蕃滋一唱更三歎君歌豈吾欺君集
中有西樵紀遊樂府 緬昔鈞遊處古樹圍荒祠荷鋤掘杞犬迹磬
琴僧祇竹戶繞琴韻茅檐飄酒旗山情老彌眷朝遊莫
忘歸小除冬景佳一室歡相依清醪糟床滴右牽黃羊

剖殷勤祭竈神尻高首復低劍童與驕孫醉飽安職司
祐汝添雛鳳保汝息吼獅染媚側室髮銜請比鄰卮油
窗靜眠食弄筆西南繙緘書綴新篇以報知己知上言
敝帚享有集符吟癡峨峨士安序譎詭多瑰琦天聲震
聾聵高睨追黃羲膽落干小兒縮頸不敢窺嗚呼吾羈
旅遑敢論是非因君鸞鶴音動我江河悲粵海古詩國
照耀天南陲其色朱孔陽其方位在離珠貝出蛟蜃光
怪時閃屍孔翠弄毛羽文采矜葳蕤仰覩繼明治

王化被島夷宜有冠古才椽筆舒紛披奈何世運降典
刑日就隳一闕販夫市三家卹塾師擾擾設壇坫各各

雄品題徃籍東高閣先哲任詆諆么膺妄尊大牛鬼難
端倪流惡無汾澮薰蕕衆兩儀君也九折肱方書歷可
稽國手師俞跗內經翫黃岐醫俗等醫疾術異理則齊
三百二十味涼熱各有宜用瀉不用補夙昔君所期巴
豆生大黃力猛無畱遺以彼下劣魔煩君暴下之飲以
三斗醋灑去六斗泥金丹換凡骨砭石更熨肌庶幾五
羊城其俗乃可醫試鐙好天氣車馬紛交馳君如畏風
燕一龕穩蟄棲屢招不肯出引領日以幾徃就季主卜
布卦得朶頤耿三國藩有佳釀清辣燒津梨云自漂榆
城北客問關攜我亦穿重闔一奚提兩甌鸚母香螺盃

待子歡相持荒齋鬪險韻長日抽清思共煨品字柴撥
 火銅挾提相向鐫腳坐撓酒青玻璃招邀陳上舍華封
 算四公子碁膏騰窮日夕跌蕩相娛嬉苔榻為君下竹
 爐為君支遊艇期屢誤都籃寘復齋不來為爽諾能來
 毋稽遲報章雜詼嘲以當中懶詒

堇浦先生見和長篇次韻再寄

南海

何夢瑤澗之

僕本巖壑人宛爾麋鹿姿隨分具足翼蠕動而蠖飛
 自喜仰德生造物若見私長林適野性肯受銜勒羈
 結童事學業聊用營糧資談元有好友風雨同嗟咻

斷爛兔園冊，寒乞蓬屋詩。憑誰假風翮，將我遊雲湄。
何意陳橘柚，作貢登王畿。快若袒豹裘，倚醉數箭
疾。回谿憶垂翅，虛發恒驚嘶。屢遭冬烘罵，不辯啼與
噤。黼黻謝昔嗟，風雲看今隨。摸頭笑免責，照面訝失
鬢。爰干代耕祿，亟借棲鷓枝。詎謂拙宦效，不救季女
飢。徒種泉明秫，強飲景略醯。鄉里束帶謁，文書衡石
治。賽理生熟獐，獐俗謂質論曲直曰賽理奔走大小黎。廣西山名自誇
蠻夷長，叨稱慈惠師。山城大如斗，公然樹旌麾。一調
逾十年，苟容常懷危。先日舉大科，失學吾自疑。山雞
舞石鏡，恐爲時所嗤。噉名雖欲就，揣分誠當辭。君才

不十倍相去萬里違道舜晉人前映然劍首吹七曜
方經天螢爝難爲輝用甘雷劍埋寧論昭琴虧戴星
心雖勞飲水情亦怡五斗安粗糲一室樂縞綦時復
驕醉飽從外來施施哀哉叅語人暮樵同萎衰傷逝
頗自念速彫愁體疲莊缶擊潘岳經案遺王維青銅
對我笑霜毛何髣髴可憐遼陽豕仍作庭中糜甘載
閉車婦應嫌老且媿著我鹿皮冠還我芟製衣珠江
蘆清醪樵嶺橫脩眉獨寐頑人軸永辱愚公溪遮眼
有蒲編蓋頭有苗茨雖復傷矯激較勝嘲突梯所憂
歲旱潦百口炊珠璣二頃無負郭萬斯何由基空煩

咏秧馬那能飽樹雞草木差可使藥欄春雨滋硯田
矧未荒力耕豈吾欺談經越王臺賣藥海神祠貞疾
驅瘡鬼殘年托蒼祇酒榼挈茅柴茗椀鬪茅旗看山
每獨往訪友或晚歸南園幸復闢社客歡相依敗管
雞毛縛破硯羊肝割不厭詩味苦不厭詩名低但從
壇坫役敢擬旗鼓司况乃日南象鷺見江東獅君今
昌黎子高言埽重卮洪鐘厠瓦釜華屋容陋糝苦追
餘子步謬辱國士知妙義淪沉滯真觀破暗癡有時
調張籍解旆出譎奇有時嘲魯連鴻聲追皇羲有時
示無可元審鬼覷窺有時語區宏荒忽天是非萬狀

窮神姦衆音雜謹悲翺翺排九闈蹴踏周四垂元珠

與紫貝光怪時陸離天吳與罔象髣髴而閃屍枯腸

漑餘瀼朽枿借芳蕤流汗走文昌旋面失冰夷羸師

當勁旅未戰先靡披誰謂長城堅所攻無不隳南海

詩之藪太史序拙集語五子經品題褒嘉露天骨太史贈潘

羅蘇何梁陳各無乃含譎謨不道老夫耄安問垂髻

倪願公轉洪鈞元氣幹璇儀霽月行常儀音娥光風扇

諸稽鐘呂宣東序荒穢滌南岐羣言息淆亂萬物就

絜齊庶幾詹若炎小大各有宜孺子倘可教敢後老

人期吾衰已甚矣一飯三矢遺日暮途且窮貿貿將

何之欲飲鼠無河欲食蚓無泥兼復災剝膚慘若虫
嶠肌仍挾活人書遠作小兒醫遂煩放豚追應噴繫
馬馳虛疑七十君留我巢雲棲孤負歐陽九椽筆序
鄰幾報章善諧謔妙脫匡鼎頤終曲更清爽快嚼哀
家黎何必步兵厨美醞恣取攜坼裂論文樽吸破借
書糲與君更巾約蘭楫行當持莫更嘲華元棄甲來
于思慙懃償契濶面耳重命提同拉耿與陳鷺潭泛
玻瓈卻愁烏爪人臨江投枯棋苦語等寒號發君一
笑嬉莫信窮能工筆牀數四支莫訝藥囊空孤身無
所齋韻險屬和難金盡來歸遲聊答瓊玖報再賦木

瓜詒

家書

生計悲無賴封書涕淚新
細商持戶策敬問倚闌人
憂歲心偏切思兒境轉辛
白頭強飯在好過數花春

謝查十一餉木瓜

投贈深知意有餘
蕭閒七字美難如
陡教黃色連眉見
最愛清芬落手初
爾雅記曾箋
楸實風人例得報瓊琚
冰瓷堆作齋頭供
已覺春烟滿草廬

寄鄉中一二知己兼傷李

汪洪沈再啟

珠江極望隔巖關
投老孤踪寄百蠻
青草戰秋寒不死

白雲韜日晚難刪蕭閒詩卷留初地縹緲鄉心落遠山
地下故人頭尙黑不須惆悵鬢毛斑

過程學使巖拜石亭

勘書芸局並歸羈良袂判來又十年人海音塵長契濶

蠻鄉車笠復周旋石亭薜蝕熙寧字九曜石上有熙寧諸公題名藥

樹風吟澹泞天絕似瀛洲閒坐處衣香猶潤御牀烟

潘守戎將歸鳳城適阻寇警相留度歲

緊縣槎牙指顧中紛紛羣盜敢交訐增城東莞間奸民不靖約日俱發督

撫躬率銳獸窮已戒三驅尖蟻聚猶煩九地攻天塹長

圍遮去鳥烟江橫戍阻歸篷殘年且共團圓飲起看妖

星一掃空

將歸鳳城聞江上寇警董浦先生相留度歲

順德 潘憲勳 華若

淒風寒雨滯歸期又說烽烟四路歧
甲士洗兵樽俎日憇民玩法太平時
盡爲小隊飛江渡射虎雄才隔歲移
博得逃年羈客夢雪深堅壘領偏師

臘月二十八日同潘憲勳吳元治登拱北樓

飛樓四望挈吟曹百級梯危八柱牢
急景心驚銀箭水寒空思借赤霜袍
邀晴接巷喧春鼓嘯海迴風捲翠旄
搔首上清淪謫久到來方覺置身高

羊城除夕

莫景飛騰復此年襟裾盈座燭雙難羸身寄傲蛟涎外
歷尾回春斗柄前鄉國劇愁慳雁信山城聞說靖狼烟
堂堂一事虛無補枉費芳華十萬箋

癸酉人日

人日登樓望寒天面面雲烏飛愁裏見潮落靜中聞小
院桃先放荒街草未薰生憐無賴雨向晚更紛紛

擊賊

擊賊猶能老據鞍綠江橫鶩鐵衣寒負嵎窮虎何難執
巢幕飢烏豈久安猛士雲臺新給仗堅屯風峪夜傳餐

還期解網師湯祝莫等鯨鯢一例殘

春寒

春到寒應斂兼旬氣尙凝每思閒處避陡覺晚來增風
閃青燈燄愁生翠被稜熏爐香屢換猶自怯晨興

陳村舟行口號

百丈牽風度陌阡烏犍接尾掉春烟朝來一雨新苗發
便有人耕海上田

十里塘迴岸柳明漁郎曬網一舟橫晴波不隔東西港
短塔斜陽空復情

水松長比岸松長亂石紛如此後羊石壁斜連林嶽渡

翦波不用飽帆張

溪行何處辨朝昏只認寒潮退後痕十里萬株龍眼樹
板橋橫處是陳村

陳村村酒豆苗燒春賽叢祠處處邀怪道月明閒不得
高樓臨水夜吹簫

十七夜公讌李忠簡公祠下其族人來會者二十
有三人

昔昔山房散晚愁謝家羣從復堅畱學堂方議溪毛薦

時余致書兩院請增設忠簡及黃文裕公兩粟主於先賢堂祠屋先申野蔽酬綵樹

華鐙重買夜雲階月地漫迴舟明朝又作河橋別記取

龍津是舊遊

舟停石壁過李生

德桓

李生從吾遊奧義欣屢叩
撰杖禮彌恭買舟意良厚
遠移邱壑情將以樂衰朽
吟情愛子清山貌訝我醜
莓磴滑欲扶危橋怯先走
招攜得心朋提挈賴小友
裒衣諸父老迎謁紛擁帚
李宗迎謁者凡十餘人
短亭淨無塵知己相待
久導入君子堂布席先兩叟
臥甕坼舊醅焚魚翦新韭
勤拳徵僮婢齋潔寄戶牖
想見夙戒心用意豈或苟
短晷催迴舟舟人已被酒
勞子低徊情殷勤送溪口

春日懷吟社諸公却寄八首

紫薇仙吏水曹廳出守翩翩宦轍停綺歲買盡過錦里

全家噉荔到楓亭細吟老杜賦剩句力辨虐秦焚後經

酈菊甘馨滄酒冽歲寒珍重制頽齡朱太守樟少令江油有此馭問絹等

集吳通守廷華著周儀二禮疑義

春雨春烟滿竹林論量勝地費沈吟風亭鬪句藤花覆

月榭徵歌蠟淚深宦海獨申將艾志天涯誰識托孤心

可憐江上經年別一卷初開思不任梁編修啟心以終養家居吳上舍城

友誼敦厚余嘗謂可以託六尺者也

羨君安穩住江鄉鱸膾尊絲得飽嘗山館竹風侵蕙幌

水房荷氣上糟牀寒衾老借仙姝煖秋卷閒從驥子商

并訊冬心老居士得錢會否理歸航丁處士敬龍泓山館汪廣文臺城北

水房皆吟賞幽境冬心居士金布衣農自號也客揚州數載矣

能來三徑祇羊求卅載萍蓬各浪浮善病衰親艱侍養

長飢小婦迴含愁榕城兵制縱橫論梓里遺文次第收

符沈張爰零落盡不堪盤馬過西州任徵君沈入新將軍幕府為撰福州

八旗志王秀才會祥搜緝武林遺文符之恒沈甲兩秀才張爰爰間望兩孝廉皆松里故人也

為政風流又幾年陳雷書記更翩翩和船記送胡奴米

買宅曾賒邱伯錢茵閣雪深翻墨海印牀春霽繞茶烟

月翁辛老紛遺藁次第煩君棗木鐫舒明府瞻與施上舍安謀刻顧行人

之珽周徵君京遺詩周詩已竟工矣

雲海飄飄歲月重清寒生計倦遊踪秋衾已失三姝媚

社酒難治兩耳聾金粟香濃初罷講黃皮埕廢獨聞鐘

晴坡記得同登陟竹杖拋來已化龍施秀才謙有三姝已其二傅太史

王露近苦重聽恒公在天竺法喜寺讓公任南屏萬峯山房皆社中方外交也

甚矣吾衰歲更加觀河面皺鑠春華團團踪跡巡檐鴿

冉冉流光赴壑蛇金敞補官心尙嬾戴願遊楚計仍差

天涯朋舊同蕭瑟一度題詩一嘆嗟金觀察志章所居被火余力勸其赴

闕戴大使廷熺余薦遊湖北學使幕經歲仍歸

狎鷺盟鷗物外身只將孤冷學先民生衣野寺秋聽雨

短櫂重湖夜餞春別去緇塵驚老大年來烟骨各嶙峋

如何香火緣紛結不及東林社裏人

朱霞林元詩筆
清峭不入吟社

寄題南海李上舍

穠

天人廬八首

三法堂

老去耽禪寂精廬佛日長
三車重說法雙樹別開堂
花雨巾瓶淨巖風戶牖香
貝多無礙義閒就老僧商

天人樓

引手星河動危樓出樹顛
江風吹滿月人語隔諸天
積翠穿簾入清波繞屋偏
夕吟時倚檻只有鳥聲傳

廬者亭

世途牽愛染禪味祇觀空
隙地千竿竹虛亭四面風
夕

陰花照眼秋滿月當中飛鳥無拘束能來伴醉翁

綠竹林

綠水方盈澗幽篁又滿林晴州當牖暗濕翠過橋深印
月篩清影搖風答苦吟彈琴宜坐此一寫歲寒心

丹荔臺

兩株丹荔樹佳實冠炎州編援防人摘爲臺藉汝休瓊
漿方夏美黑葉至今稠欲種甘蕉並長來鬪酒籌

白蓮池

淪漪方一頃都種白蓮花葉大深藏鷺波明細數沙色
欺殘月暗香入曉風賒只恐妨溪路無心著釣槎

稻花田

幾棱山田熟為農紀歲華
催耕依布穀分畝學袈裟
好雨霑偏重西風捲欲斜
殘年欣飽食吾願又何加

雪液井

愛此澆花井涓涓尺水寬
白雲當曉墮蒸液幾時乾
苦竹圍荒徑青苔滿石闌
軍持勞一汲風起亦生瀾

春日魏公子

大振大文

招諸吟侶集六榕寺

吟朋連襪破春寒
選勝欣遊淨域寬
照水白雲橫野席
經天斜日轉扶欄
莎臺鳥去山花靜
藥院香縈佛火殘
三度題詩驚長老
巡簷重拂蘚痕看

三元宮用少陵憶昔行韻

琳宮拔地雁展翅挨傍紛如貼輕舸心驚危棧出槎枒
膽歷烟梯怯么麼集靈縹緲謁帝歸竒鬼猙獰向人坐
鳥衝旌節步虛過松奏笙鏞半空墮丹房有月燭幽陰
石洞無雲闕關鎖堅屯殷壁拓弓弦夜浦推窗見漁火
火鈴龍毛搖扶蘇綬帶霞衣側婀娜吹簫駕迴鳳難期
薦菊盤空泉亦可青苔白石不逢人鐵券銅符誰贈我
采金鑄鼎跡已荒立茅受印計終左金波浪說竊靈藥
碧海何曾結仙果烟鐘催客踏斜陽獨向寒江看側柂
耿上舍有盤殮之約忽出豐厨移詩責之兼呈馮

明經公侯
陳上舍華封

閒來便想到君家
飯軟茶甘興倍加
詩地偶爲雞黍約
食單何用蟹魚誇
風流吳楚朋襟接
天色西南雨腳賒
傳語重城休上鑰
酒邊政要說梅花

上巳日顧正謙胡文英過飲

靈辰重元已際此風物美
綠樹遠飛花澄江日流綺
幽
復書堂清寂莫抱圖史
茫然二妙皆層階
曳絲履地異
洛圖山人如蘭上里
雖無峻嶺攀頗有傑閣倚
佛圖聳
千花仙城亘百雉
林亭互鈎帶雲氣幻蒼紫
幽情獲暢
叙俯仰玩物始飛觴
碧檻前弄翰密蔭底復此
風中琴

妙契濠上青芳華易沈歇乾沒復何止聊極視聽娛爲
樂追昔軌

咏木綿花四首

海珠寺裏尋常見黃木灣邊寂莫紅一樣天南任開謝
無人知歷幾春風

風塵瀕洞長根荖拂檻穿廊恣意開不合喚他烽火樹
千春長照粵王臺

目極泮河水亂流低枝踈地入端州最憐三月東風急
一路吹紅上驛樓

擘絮吹綿日欲斜此行真見日南花花時定有紅鸚鵡

天半飛來啄彩霞

遊五仙觀望懷聖寺塔

坡山一部婁偃蹇臥塵陌百隧攢蜂窠古殿壓蛟脊荒
忽騎羊踪掩靄信靈宅翻翻五仙人捏塑儼且赫手持
雙岐穗腳踏已化石祈年兆屢豐報賽衍自昔層臺遠
飄鐘澀蘚春繡壁頗疑陰房幽定有奇鬼瘠紅樓試窺
覘萬瓦納青鳥刺天番寺埵髮禿嬾不憤頰唐傲斜陽
邀我一撫拍森然起暮愁恣意展吟屐潑翠收巖根誰
鑿大人跡深痕辟支跌武敏巨靈蹠云云太古泉演漾
一泓碧仙蹟知不磨去日悵已積照水弄活雲排烟戀

遙夕振策尋舊蹊綠樹更蕭摵

鹿池山莊圖

屋後鹿池山門前鏡湖水磐石坐不移把竹釣清泚
釣既不得魚得亦不復賣謾謾松風生題作小鹿砦

喜李

大生大作

自陳村至小集講院

二妙愛清夕翩然肯過尋
媽花扶屐緩壁月墮檐深
豆酒諳鄉味書堂有莫吟
翻思元夜飲容易別青林

題魏司馬

緒

課兒圖

吾聞漢有鄧仲華勳高望重願不奢
子十三人人一藝後乃各自名其家
又聞晉有劉長盛教子紛綸經史並

蔚然門內七業興北州學者莫與競魏侯攬轡來黔中
諸郎玉雪驕春風佳者龍鳳劣虎豹頭角斲露牙須雄
侯今施政政已通訟庭長草青丰茸晚衙初放常自教
短檠噓燄燒青空此樂於今幾人見寫入圖中洵堪羨
不將蠟鳳滴圓珠共向銅槃誇異饌青箱素業世爭傳
鋌鏤門風原不賤清時養就淩雲姿豈患雄文少人薦
我輩於世百不聞愛就阿戎談夜分投牀隔屋支枕聽
琅琅送響清入雲長公名聲如蘭芬次公意氣更不羣
橫經奪得戴憑席弄筆書破羊欣帑盤空硬語輒敢和
跋扈真足張一軍杜言紉袴不餓死蘇言識字憂患始

斯皆過激非信論吾所斷章不在此請標二事舉似君
荷讀城南陶責子

夜入羚羊寺

羚羊峽束初上湖斷岸千尺被菁茅衝波卷浪擰柔橈
舟師怖恐龜魚驕松間忽出喉火照始識蟻路緣秋毫
登登輕策攬臂上蘚磴屈折藤蘿捎榕陰黯黹穩棲鳥
石骨逋峭愁飛猱野僧披榛起肅客織塵不動蒲牢哮
潮音傑閣亘天半香雲縷縷盤空坳側窗透空望江影
似有寶月空中招天風擺磨振仙梵飄墮木杪驚鳥巢
吾聞仙人顏李蕭伸臂運筆一丈高

見范石湖詩註

英山古寺

昔題壁靈迹已邈難追鈔茲宇崢嶸夾山立佛力猛鎮
千年蛟一重沙界一重甍腹背交壓菩提梢攬天峭壁
闕雲篆浩劫期我騰神尻埽空試鑄三百字畱與好事
懸椎敲脩羅降雨助墨海餘濶立灑潮田磽江深夜黑
一揮手燭龍銜曜應相邀

登端溪講院天章閣望州衙後圃

蕭閒門巷履綦稀獨上層臺弔落暉汀艸有情隨岸遠
海鷗無伴破空飛遙峰雲絮猶披帽碧甃苔花欲上衣
等是鄉園歸未得幾人曾采北山薇

區必位吳式郡梁新謝天申黃文五文學載酒過

七星巖

竹轎衝泥度石梁到山先問贊公房酒傾盡榼三升足
杖借紅藤七尺強陰洞探泉鍾乳綠澄湖盥手水芹香
南來雅負登臨興屈指斯遊得未嘗

贈七星巖下僧

慧徹

伴我山遊得惠勤一龕清與佛平分方袍樹底歡迎客
短杖峯頭健撥雲貝葉靜磨坑硯寫花巾晴換戒香熏
莎亭盡日無人到剩與吾師判夕曛

七星巖

紫微宮中七箇星上四下三如斗形幾時相率畔天去

後漢書襄楷傳下之
畔上猶星之畔天

隨風飄墮來南溟森然萬古立積

鐵尻脊挨排忘偏仄千盤鳥道擢脩莖朶朶蓮花深黑
色傳聞上帝觴百神瓊筵開向崧臺春仙音縹緲不收
拾石鐘地鼓今猶震初向傾崖尋景福辱豁猶疑巧匠
斲旋從地底度鼉梁宛似窪樽剩空腹乾維坤絡交撐
扶元氣淋漓結員屋鬼斧費剗鏤鷹窠更蹙蹙瑤簞玉
柱掛瓏玲乳竇垂垂滴青綠嶮嶮三洞黑水風縛火照
壁寒烟空模糊雲篆不可辨但有千年仙鼠時相逢一
綫窺天才倚杵癡龍磨角挾龍女石牀珠非不肯眠去
向寥天降粗雨石氣陰森毛髮慘輕汚蛟涎吾豈敢鼓

衰尋路滑蒼苔蹠蹠巖窪首頻顛
涇涇一石乍帖妥畱
與神仙置丹竅神仙不來心孔悲
域外奇觀悲獨覽穿
空更上璇璣臺洛迦紫竹侍善才
隻鳳無聲石旗閃陰
風日夕吹紅埃螺旋蟻折別開戶
下臨絕壑驚湍哀粼
粼白石禁偷鑿靈威扃鑰何時開
披襟臨壑亭邊坐放
眼俄驚瀝湖大桃花水上蜻蛉輕
萬頃琉璃新劃破殘
春弭權拜山靈石燕衝烟飛一個
孤僧期我青松林白
日韜影雲霧霧手中拄杖拋不得
驚猿透沸哀禽吟綺
田錦嶂年年在巨手難逢李北海
梯危力怯二天門一
兩芒鞋畱有待

扶嘯臺

嘯旨不復傳，猶畱一片石。
人行松果上，鳥夢藤蘿夕。
明月上霄關，徘徊待烟客。

登屏風巖絕頂

躑奇那復惜，筋骸扶上屏。
風絕頂來圓磬一聲飄，樹墮
晴嵐無數對窗開。盤空細認
愁猿路，望遠橫添越鳥哀。
借得山僧新粉壁，始知謝朓
有驚才。

寶月壇

斜抱長堤寶月空，層瀾湧現
梵王宮。周遭碧樹三春色，
披豁晴軒四面風。鱗甲翠生
衣桁外，烟鬟橫墮酒盃中。

鄉心正憶湖心寺樓閣看來髣髴同

問金山長

祖望

疾

爲汝淹遲久荒江少釣篷圍棋深雨裏橫榻晚春中疾
病餘生幾憂虞所歷同葉公希元頻過酒猶有古人風
閉戶經旬過艱難信此州旅疴綿百藥家信滯三秋積
雨疎輕策餘寒戀敝裘殷勤重問事喜有賈長頭

明嘉靖中端州守曾直建八節祠於北門外以祀

唐張柬之李紳宋劉摯鄒浩胡寅胡銓畱正張世
傑而魏元忠以亢直貶高要尉獨不得與余以春

日肅拜祠下心獨異之作歌簡吳太守

繩年

劉高

要為鴻

君不見魏元忠布衣上書論兵事金殿吐氣如長虹鐵
冠峩峩蕭綱紀豪奴杖殺都亭中除惡志在清君側白
簡豈顧張昌宗羣邪側日謠詠起卑官謫墮炎荒叢洞
夷畏威噤不發至今崖厂流清風吁嗟高要一隅地貶
宦往往王侯充韋承慶輩不足錄如公豈合隨沙蟲我
來端水恣臨眺步屣晚出高城東俯俛祠屋壓道左大
樹突兀寒烟空入門肅拜認粟主八賢名姓昭愚蒙唐
景龍逮宋迄命大節歷歷摩蒼穹茫茫宦跡證人代屈
指獨少齋貞公元忠封齊國公謚貞去留豈復有深意討覈那不

謀羣衷筮鏞暗啞芹藻闕閱二百載無人攻自來守土
責匪細社稷尸祝宜甄綜漢陽王傳志失載高要志不載張柬之
與公乏祀將毋同旅窗作歌寄牧尹會看闕憾能彌縫
豐祠從此標九節亘千百世垂無窮

閱江樓

送別江樓思悄然橫江指點碧欄前山頭雙塔遙相望
鳥下千家近接連雲絮紛紛催晚色風帆葉葉飽春烟
獨憐妙景江南並不得金華一記傳

道古堂詩集卷十七

道古堂詩集卷十八

仁和 杭世駿 大宗

嶺南集 三

羚羊峽歌

羚羊峽峙端江潯山高高分水深深山高不見衆木搖
櫛參但見哀猿跳擲啼愁靈水深不見碧浪橫鱣鱣但
見戲子擯落楫激泔佛圖仙觀亦何有遠自太古春情
情扁舟乘曉沂空濶支頤太息收孤衾桂以膏自煎象
以齒自燻含珠遭扱大璞剖金錢截尾摧文禽如神巧
匠出鄉里日思推刃真難誼是誰作俑石製研墨海酣

飽金壺斟金星石末採未足鼉磯雀瓦紛搜尋遠從洮
河近黃海劬掘已徧青霄岑巒荒也復破天巧靈胡高
掌穿元露磨刀霍霍刺石髓東西坑洞窮雕鏤丁丁逸
響徹天外十里如奏邱中琴分肌劈理恣剜剔譬剖孕
腹觀懷倏激洶水府抉地戶山靈含痛愁悲吟腰絙縋
入大壑底累夕不獲瞻辰參雲映累百不得一癡痕餘
潤猶滲淫花青蕉白火輪赤重之無異雙南金雲中不
少大手筆助寫仙篆抒靈襟惜哉無緣伴子墨輦送九
陌娛朝簪我聞地有三千六百軸輻輳相湊支嶽崱玲
瓏瘦骨露豁岡驚濤擊撞洪淋淋猛伐劇愁地脈絕頽

然墮落誰能任嗚呼申甫不世出安知愛道非天心
山封水古有禁孰能入告披丹忱

聖朝寶人不寶石深剝巖壁垂來今猙獰鬼斧不敢劈
真官臥守防闕臨茲山稍得蘇元氣膚寸雲出蒸甘霖
金烏踐其陽寒兔蹲其陰沐浴日月發光怪定能爲國
生璆琳歸真返樸有至理耕耜安穩弭災禳
皇帝聖壽一萬歲遠與高峽永永無虧侵

沙口守潮

潑火微微雨推篷靜候潮春風斤竹色吹綠過沙腰

寄張司馬

汝霖

宣城八首卽次其晚秋病起述懷

元韻

歲月堂堂歎不居寒宵戢影守蝸廬怪他蚤雨蠻烟外
不得張溫一紙書

白頭無賴滯南中城北高樓大段風節物暗催除夕近
碎蕉吟綠小桃紅

迴望雙溪思不勝關心藥裹興猶乘此身願作者關鷺
兩翼飛遮石窟僧

封題綠雪配寒泉沸枕瓶笙穩晝眠綺障懺除仍未淨
軟風吹夢落花田

萍居日日欠詩逋喧聒渾如噪樹烏閒卻封山刊石手

強將雕篆溷狂夫

空階一日幾婆娑
病酒傷離奈若何
晚上高城望天末
驚風愁日滿寒坡

皇威遠播海氛空
三躋虛無衍不窮
一卷把君風土記
澳門龍女擲珠紅

知在雙流疊嶂間
相思江水幾千灣
百年多病詩人慣
冷落春愁謝朓山

全山長贈予端石四片歸斲爲硯一以贈吳

元治

一以贈陸

世貴

畱其二以自娛詩以代銘并寄山

長端州

高峽兮峰青椽余杙兮山陁高峽兮水碧濯余足兮浪
吞峽有石兮瑄礮波滾滾兮坑四東磨刀割兮峽雲紫
鸚之鵠之兮睛活不死片片兮壓輕裝或矩以句兮或
橢以長傾余愛兮贈夙好寶其二兮送老雨闌兮風扁
刪七緯兮寫十一經嗟人生兮孰如汝壽數石交兮獨
汝余厚

會宿素舫齋作

苦雨漫林屋向晚勢尚乘希聞檐溜縮時見新點增巖
城急魚鑰猛叩力不能歡下聽雨牀兼試照字鐙深盃
且重把僻事請再徵縱橫算文楸爛漫天刻藤微吟共

擁鼻短睡暫曲肱瘦影儼翹鷺靜退如枯僧奇夜性所
耽習語戒力懲淒風攬松竹併作清響磨起視江上峰
澹澹沒翠棱初地罕津逮緩縛雙行滕

五仙門

雁翅城廻百雉尊騎羊今識五仙門門迎江海分頭勢
岸縮蛟龍刷尾痕貢道開帆雙虎合洋關交市百夷屯
蒼茫指點扶胥口秋髯蕭蕭落日昏

四月四日夢至一處桃花流水迴非凡境仙犬遙
吠溪外有客示詩八句覺記其半錄之

桃樹沿山種桃花夾澗流遙遙仙犬吠行過水西頭

覺羅八姑輓詩

覺羅有賢女奕奕 天潢支瓊田苗瑤草丹穴巢長離
 彩翮振九苞瑞露餐三危食宿珠樹底肯與凡鳥齊襁
 褓厄保母墮地殘其肌及笄將待字玉貌慘不怡上堂
 問起居涕泗前致辭北宮嬰兒子心切阿母慈至老不
 肯嫁撒填甘如飴入室整手迹送日陳書詩流觀班姬
 戒紉繹周孔思著書數百言說理醇無疵著有素言一卷其七兄雅
大中丞末學困膚受莢莢究乎而吁噫偉丈夫遠媿閨
為之序中師觥觥大宗伯約身於範圍峩峩大中丞惠澤蘇烝
 黎勳華塞宇宙胚胎亮有基在天為秋月在地為寒谿

栢舟未足比匪石焉可移乘化忽歸盡飾巾知待期慕
上女貞木白鶴來飛飛彈爲孤鸞操陟以九寡絲貞孝
本一軌經權各有宜世無幼婦才誰勒邯鄲碑阿母摧
肝脾婢媪哭相隨中丞念同氣清淚交兩頤徒行送轎
軒屏去赤棒威至性感行道擁看相齋咨立愛自親始
各各重本枝感公復愛公切切願有規公爲國柱石玉
體當自持姑今已千古願公勿復悲

雨過邱崑蘭雪堂

一雨華林萬綠饒攜筇喜得永今朝雲來亭角陰梧葉
風度橋南側蕩苗碁局穩尋磐石放酒人狂隔濕花招

蘆碕若許長垂釣願與閒鷗訂久要

智超上人自清遠受法歸于佛生日飯僧長壽菴

卻寄

翻經細字學溪紋千里尋源用意勤法席夜邀猿女聽
齋糧春並鶴雛分操瓶漱水亭飛瀑撥杖穿空峽滃雲
歸到恰逢生佛日曼陀花雨散紛紛

魏公子衙齋分咏南海古蹟得房融筆授軒

春風吹屐過祗園房相猶存筆授軒貝葉翻餘花雨潤
竹錐寫後海雲噴禪心妙證三明旨真諦能通九譯言
十卷楞嚴慚未讀從容思就密公論

重過楊氏園林

老來無處說風情
水竹多邊恣便行
徑向別家池館坐
鵝鳩聲裏聽催晴

穿竹涼颺散鬱蒸
沿堤拖杖動魚罾
凌空百尺飛臺上
恣看東南海氣騰

步入華林寺方丈有僧善弈與對兩局

短屐何辭遠江村
有夕暉愛閒經野市
乘輿入禪扉
茶竈烟初直
碁僧貌不肥
終然爭一劫
未肯竟忘機

送王秀才

汝玉
歸里

經年官閣閉炎蒸
忽漫書堂笑語騰
見面準如辭社燕

送王世貞先生
得歸快比脫鞵鷹潮迴送客憐吾獨海運培風看子能
峽寺重過定相訪多情猿鳥喚猶磨

送胡給諫定還朝

十年湖海別別久愈情親訪俗青鞵遠匡時白髮新夢
因埋照穩家爲著書貧

聖主方前席難閒許國身

登粵秀山憩觀音閣

一菴在山頂超然如孤雲松高先見月殿古長含曛詰
曲試穿歷亦有徑術分一僧手寫經一僧綻衲幫見客
兩矐胎走避同驚麋須臾理茶板稍稍通殷勤吾衰簡

應接梵放意所欣域中有常戀世見皆聲聞亦思把一
茅獨往遠俗氛山澤有厲禁何從覓蒿芹沈吟久不決
對此空心熏

光孝寺雜題五首

菩提壇

菩提一丈樹更此幾歲籥靈迹寄香臺高僧自行腳落
葉古壇深風枝噪寒鵲

達磨井

香厨不逢僧日落俯鑑井苔堯舍古春銅餅乏脩綆莫
輕尺水波曾照渡江影

風旛堂

妙義析風旛域外見宏想前楹覆蓮池後閣架榆櫟夕
鳥下齋廊迢迢逗清響

洗盃池

阿師乞食回洗此池上鉢天風午增寒陰苔秋更活誰
移石匣開飛墮端正月

六祖髮墪

碓坊幾櫛沐剩此髮一縷螺髻埋土中紺墪卓香宇流
爲華鬢雲散作曼陀雨

咏浮沉石用林組韻

三水縣前浮沉石浮無漂激沉不湮扶桑朝射白齒齒
龍女夜坐青粼粼閭門大有玩世客金馬豈少執戟臣
勸君與石兩莫笑而我亦是浮沉人檢身媿無特立操
側足冷臥荒江濱蒼波搔首泣無用未若此石堪垂綸

送孫郎中

慶槐

使旋赴

闕

駢駢萬里數歸程丰采非高館伴名英篋遠柔暹子國
星槎晴蒞尉陀城越人抃慶

皇風播海客爭看使節榮聞說棗街盈九譯恐煩陸賈

又南行

晚過大佛寺敏公房

幽尋破孤悶窮玩珠界夕廊空寫梵重林迴有烟積呀
然側戶啓恰受頰霞射意行不損苔改坐任選石鳥棲
葦檐春泉吐松底脉語應風鐸清影並窗竹瘖微志航
寂玄邈矣肇自昔炎鄉晚節難競此一駒隙取徑迷歸
蹊彌漸滅明迹

連日出遊甚適書寄故鄉朋好

幽尋隨地足徜徉竹轎輕便拄杖長性以小癡成大點
體因不慧得清狂罷叅僧約遊山寺泥飲人邀過草堂
回首只防猿鶴誚一年容易滯蠻鄉

錫將軍枉轡過訪南溪上人有詩見示率呈十二

韻

東方千騎寺門前爲訪彌天釋皎然大樹影搖青漢迴
初禪風捲赤旗偏已令忍艸迎仙履更勅飛花繞法筵
匝地香雲千丈湧梯空蕉葉九層圓栗階始訝條衣瘦
拄拂橫驅檠戟還竹裏行廚先供饌水邊陔樹別分天
銀驄快借支郎賞榆欒晴邀謝客箋仙梵響過橫吹曲
齋鐘清似普通年脩廊看竹添書訣丈室論詩悟妙緣
智刃洗殘粗細雨寶坊歷徧火風禪衲翬玉帶嗟重見
箭括針鋒請一宣若向夜摩天上問此重公案遣誰傳

寄孫太僕

漸陳學士

兆崙

兩同年用東坡懷西湖

寄晁美叔同年韻

世人皆我疑疑我於不賢錢塘山水縣清福天所全胡
爲事遠遊一朝忍棄捐舍菟來就枯母乃孤於天我常
行忽忽跼伏幾一年清夜每自問內訟口不傳八十垂
白親登盤缺芳鮮薄植際衰齡謫墮蠶中烟雕鐫役肝
腎清詩聊取妍伏枕輒得句呼鐙攪醉眠明知違俗好
庶以銷憂煎我嬾百不知丹鉛性所便雖無軒冕樂劣
有文字緣明當謝前愆早辦歸裝錢

陶山長

愈隆

裁詩寄贈索序新集依韻奉酬

新詩一卷雪霜清持贈塵勞眼倍明照月虛懷迴講席

倚天高韻落秋城磨驢踪跡愁無定隙駟光陰黯自驚
相與幸生堯舜代要爲天地寫中聲

黃孝廉岡遣僮阿寶送鬼子饊

荷蘭瓊穩睡塵推窗仰臥青天高傳聲呼洵監門囂
小史粉面如櫻桃愛好濶裁幼布袍花縵綴裏短襦袴
填金漆盃紅錦緞珠江十里不用篙玉腕抱送母乃勞
開緘一笑驚老饕甜香漱漱風騷騷堵牆傳看鬼子糕
形製誦詭方法韜嚴龜跼躄劉休逃鬼奴烏帽粘癩毛
尺八腿縛行膝牢左牽四尺帖尾葵畫幡招搖卷秀毵
鍍金打鼓雁翅壕井華浙米洩且淘重羅細濾聲溘溘

哥巴伊呱

西洋國油名

淨不燥糖霜屑用金七撓孩兒茶皮

慢火熬霍霍拔切大食刀波斯碧盃雙臂操孝廉虛館
牆上蒿背癢時遣鳥爪搔飽看羣鬼騰獠猓睽雜襲
婆蘭艘番書皮紙金線橐界畫城郭如牛髦反覆讀之
牙屢聳爪離不解心煩切邀公往觀母訾警役使神馬
騰輪尻雲中攬臂從盧敖手卷龜殼酌挫糟遠興欲釣
滄海鼇神山隱現潮雞號天瓢挹取金碧膏爲子宛轉
壯酒槽容成務光應汝曹垂珠雙耳生白毫奚童翩翩
舞翠翻爛醉一吐胸中豪而我俯仰類檉棹又類絲韉
風中縲東西覓食無所遭日落飽聽翠釜爨食蓼之蟲

食李螭空腸與我同噉噉天涯遠藉菜把叨青衫淚濕
番葡萄樣杓意蕊不可薳情瀾遮湧重洋濤竹膜滑芴
語噴嘈突梯滑稽效朔臯運斤誰削聖鼻夔閃閃綠醅
寒更挑令君讀之解鬱陶

中秋次程正棗韻

已挾雲將汗漫遊客中容易又中秋嬾翁逢節老逾健
幽鳥啄花飛更留萬里孤懷欣對榻三分明月恰當樓
含杯政苦無情思難得程生妙語酬

虎頭門望海

凝望重波曉日生紫瀾廻薄鳳臺城蒼茫片穴邀龍臥

遙下舟中拜心儀浴日亭曦光終古白海氣一重青鳥
立旌麾蕭龍歸草樹腥山川真浩蕩愁望轉怙惺

黎檬

菁蔥有碧樹生我中庭中其幹似橙棗其葉柚與同春
盡始結實纍纍青皮蒙較梅遜鬆脆比橘無朱紅不入
包匭貢亦鮮堆盤供剖之味頗酢棄擲先兒童然以療
姪婦特有安胎功粵人呼宜母亦或訛宜濛粵稽桂海
志是物爲黎檬方語不審諦細繹義可通南荒炳離位
毒熱憂相攻念爾雖瑣碎力敵陰陽銅漱攪井華水亦
足解蘊隆所以吳立夫作歌播土風我辭愧質俚敢與

吳爭工南天記所見博物資唐蒙乃知造化心生物本
至公材不材之間節取道更洪

王通守

厚德

招集園亭卽事

橫街幽樹俯晴沙路入南朝斂鏤家風磴綠書千箇竹
水亭紅亞一叢花銅壺漏應散盤落銀燭光牽舞袖斜
心醉本來原未醉回鞭忍遂後歸鴉

珠江竹枝詞六首和何監州

樹裏歌聲水面腔阿奴生小住珠江淩波只恐塵生步
不著鴉頭襪一雙

綠榕陰處月微黃艇子緣流接翅長水際刺篙沙際宿

天然畫出野鴛鴦

顰鬢垂雅宿粉殘早潮迴夢怯衣單爲憐江上遙峯少
方便長眉借客看

論斛量珠買得無魚珠爭及蚌珠粗若將江作珠胎比
儂是江心一顆珠

不見尊絲翠帶長絕無露葦更風楊生來只識相思樹
著意江邊種一行

海珠寺外月如銀肯照三更倚樵人妾是水萍郎墮絮
天生一樣可憐春

遊靈峯山寶陀寺用明人刻石韻二首

棹指靈洲路復東薄遊情味薄寒中荒江有徑皆逢竹

古寺無霜亦醉楓起病正思尋贊老

少陵大雲寺贊公房詩湯休起我病

登臺強半為蘇公十年喚醒金山夢拂蘇來鐫翠壁空

余甲子歲遊京口金山亦在十月

寶所平圍面面峯人天共聽殷牀鐘拈花試問三千佛

砥柱疑盤五百龍海氣隱空沈落日罡風吹浪卷飛蓬

白頭老子渾無賴點筆聊書不定踪

同作

上元朱露鶴臯聞

擢歌乍歇陟孤峯僧夢初廻扣曉鐘林樾山光飛遠

鷺樓迎海氣擾癡龍錦川故道餘寒汐香浦新愁入

轉蓬只有白雲閒似我南天寥廓託浮踪

望氣樓

檐接杪樵蔭階畱蒼荀香石窗隨意啓面面納江光

爲僧

願子

題九江唐權使

英

八分詩卷

驚向天南見辨才銀鈎漢隸一緘開伏梁好語殷勤護
莫被蕭郎更賺回

使君詩比酒還醇禪喜欣看妙墨新一段活雲無倚著
隔江遙寄寫經人

金壺貯汁灑紛紛落翮山形大小分寫得清詩共呈佛
不知是墨是香雲

拜晉刺史吳隱之祠下酌水告神改貪泉爲廉泉
貪泉抱屈幾千年廉吏來過事更傳椽筆試教移一字
不貪人飲卽廉泉

聞惠州西湖緣隄無樹東坡祠久不葺高明府

方
顯攝倅此州託問

握手不殊南浦關心先問西湖岸上已無桃柳水邊應
有菰蒲坡老亭今湮廢朝雲暮久荒蕪風景何如鄉國
煩君寫寄新圖

送胡明府

堂

之官

清朝起送客欲語淚先涌不悲生事微悲汝檄屢捧新

安困疲煩花縣又慳慓萬山阻重深林木翳鬱翁土瘠
歲薦饑米闕價時踊村氓拙生計疾貧兼好勇蒼蒼盤
古峒窟穴恃崿從夜探赤白丸一出浩呼洵月中四五
發剽奪迹相踵能吏痛翦除一一貫桎萃哀哉此下民
就死豈無恐耕糴計難周疾苦或上壅糠粃飽無時早
晚轉溝隴是誰驅迫之罪在始作俑王官民父母衣食
是所統道齊諒有術豈徒用威董胡君忠信長爲政鄙
闕茸沛此凱澤施佇見民志悚小邑風氣殊勸率在德
憑德風與德草誠至自感動時哉督耕芸勉矣納秸穗
茅檐有咫羸慎勿角斗甬

寒夜魏公子昆季招同趙

振鐸

王

永熙

兩明府集

禔靜齋

三間矮屋似吳舫青眼相看半醉醒勝集豈因簪綬換
老懷只愛管絃聽雲光透月窺瑤席花影和人上短屏
詩意不成棋局變酸風何事攪重扇

海珠

萬里濤瀾控制長江空晴湧一珠黃潮穿鼇極初昂首
月透龍堂漸放光鐵銃長苔眠古槩木綿吹絮照迴廊
老僧不管金湯險四大虛空作道場

張南海

珽

席上送田司馬

承虞

之廉州李別駕

學

禮
之潮州

磊石山形斷州江水勢分徙珠原有浦驅鱷豈無文佐
郡欽連壁離筵悵漁羣不堪扶杖叟歌舞對斜曛

憶桂堂池上竹

修竹經年別遙遙每繫思青蒼好顏色辛苦自支持
羣水魚穿影窺簷鳥踏枝西風颯蕭瑟曾記獨來時

芒鞋和王防禦

軫

山家雙不借日日伴山行采藥千峰峻穿雲一杖輕
板橋霜外迹紅葉雨中聲只恐飛塵污經年不入城

長歌送王明府

永熙

之香山

王郎讀書氣食牛經漁史獵不肯休遠從鴻濛探羲畫
大力包舉萬斛舟王郎作文猛縛虎蹂躪班揚薄雕組
興來浩氣接混茫弱腕能廻萬鈞弩黃河湯湯繞戶旁
攬衣出戶睇八荒丈夫逢時會有適豈能嗚咽同寒螿
蠶頭寫空九萬紙挾策金門獻

天子眼中金紫百不知要爲蒼生救飢死迢迢五嶺矗
天外割取牂牁作衣帶雲多海濶三蜃愁怪雨盲風此
間大王郎王郎濟物才秋深立馬朝漢臺手摘繁星布
棋局口噓滄海入酒杯上官知汝文章霸借汝三峰作
去筆架峨峨番舶倚天桅龔奉威稜恣凌跨我不願君

入世爲要人亦不願君橐滿朱提銀但願得知一絲一
粒皆由小民衣食汝風晨露夕出與萬姓同艱辛政成
上可報

天子次亦足以娛老親人生大節在忠孝一官豈爲頭
上巾歌殘掉筆轉絕倒笑我癡頑少分曉王郎治譜本
過庭苦口堯言無乃勦紛紛請看折腰人能吏經綸在
取巧

白雲寺

白雲山中白雲寺僧與白雲互主賓有時山僧踏雲出
白雲與僧作主人寶網不遮天上月石窗深闕古時春

夜深僧定雲歸盡，只剩凌空倒樂神。

飲虹橋

飛泉百道落長空，俯飲時來五色虹。
金暈有光侵曉日，石梁無語臥秋風。
岸邊苦竹青辭籜，澗底香蒲細茁藜。
憑仗短藤閒徙倚，亂流寒送水丁東。

碧虛觀

石橋西上路紆徐，疑有青牛下飲渠。
翠蘚亂侵遊客袂，女牆深擁太清居。
函關望氣千年紫，樓觀凌霄盡日虛。
一縷天風吹嫋嫋，瑤笙金管滿林於。

菖蒲澗

澗水遠從天際落，菖蒲十二節叢生。
遊客題詩句，孰清猿挂瘦藤。
將子飲鶴巢高樹，踏花行
昨宵一雨添溪漲，寫出伯牙弦上聲。

鶴舒臺

巖嶠高臺闖紫霞，安期仙去艸鬢髭。
雲深鶴唳三秋月，雨過蒲抽九節芽。
海國尚傳人賣藥，洞門不見客還家。
少翁未得神樓散，棗大如瓜莫漫誇。

雨花巖

萬木蕭慘衆壑哀，林扉漠漠長青苔。
雨從玉女簾前剩，花向曼陀室裏開。
竹拜石壇邀客坐，鳥窺齋蓋挾雛回。

崢嶸雪瀑嫌多事，勾引熏風到澗隈。

泰霞洞

打包特地叩巖扉，古洞秋深草不肥。
過雨佛燈時閃閃，衝烟仙鼠故飛飛。
泉聲流出成琴筑，嵐翠吹來罩袷衣。
試覓彩霞無定處，泰禪師已久忘機。

九龍泉

鱗甲紛紛逐赭鞭，廉泉上有九龍泉。
蜿蜒互灑澆花雨，躑躅分耕種秫烟。
怒挾疾風穿壁去，懶貪明月抱珠眠。
山僧洗盃頻來往，照見條衣瘦影偏。

鄭仙巖

風吹藥草滿山薰策杖相尋日未曛白鹿銜花穿磻去
青猿偷果與僧分松濤怒挾將崩石海氣遙封未泄雲
親見鄭仙揮手別至今樵叟話新聞

摩星嶺

眼看丹梯日影韜鈎盤無路泣飛猱仰闕象緯擡頭易
近摘星辰舉手勞欲界已知滄海淺仙經空說大羅高
峰頭一臥天雞曉煜煜寒茫在布袍

長至日集晚成堂送馮孝廉

公侯

瓜壺已除架茆屋喜粗葺暄逢至日長復此朋歡集撐
簷樹漸黃繡徑蘚微澀遠枝忽低昂山鳥上花立寒窗

天刻藤妙義供拈拾杼寫節物佳持以壯行笈

道古堂詩集卷十八